


IJWI LYASICISI AMALAILILE AABUBELESI



CVA caamba kuswaanganya babelesi, mukobo, amfwulumende kuti kube
kubelekela antoomwe kusumpula lugwasyo lupegwa kubantu



ZYOONSE KUZYILANGILA ANTOOMWE




***Citizen Voice and Action* (naa CVA mubufwaafwi) ninzila yakwaambilila bantu muzyilawo igwasya kubambulula bwakubandisyanya akati kabasimukobo amfwulumende kutegwa lugwasyo lupegwa kubantu lusumpulwe, mbuli lugwasyo lwabusilisi alwiiyo, lwalo lugumikizya maumi aabana amikwasyi yabo buzuba abuzuba.**

Mbaakani ya *Citizen Voice and Action* njakusumpula bube bwalugwasyo akucikonzya kujana lugwasyo olu. Kwiinda mukweendelezyanya cakutazwangana kubandisyanya akati kabaabo bapegwa lugwasyo, mfwulumende alimwi abasikupa lugwasyo, bantu babelesya lugwasyo olu balapegwa nguzu zyakulingula bweende akwaambilwa bwini kujatikizya bweende bwalugwasyo alimwi akulimvwa kuti lugwasyo lubikkilizya bantu boonse. Mulimo wa CVA usiminide amuzeezo wakuti kufwumbwa sicisi ulijisi nguzu kwaambila mfwulumende yakwe kuti kaizuzikizya zisyomyo nzyoipa.

Kwiinda mu CVA, mfwulumende zyilalingulwa mbozyipa akweendelezya lugwasyo kulinganya azyeelesyo zyamfwulumende. Zyelesyo eezyi nkozyili kale mumalembe aazyibeela zyamfwulumende alimwi banamaleya balakonzya kuzyijana. Zyelesyo zyilaandene mucisi acisi. Mbuli mukozyanyo, eezyi zyelesyo zyilakonzya kubikkilizya nsaizi yakkilasi antela mweelwe wababelesi akkiliniki. Zyelesyo zyamfwulumende zyiliko kale ncibeela cipati ca CVA alimwi zyipa lwiindano akati kakwaambilila bantu kwansiku akwaambilila bantu kubelesya CVA.

Citizen Voice and Action alimwi ilapa ciindi kuli basicisi kuti kabalyaambilila mizeezo yabo kujatikizya zyintu zyibotya cikolo, kkilini, antela lugwasyo lumbi biyo lwamfwulumende. Basicisi balabamba zyizyibyo zyipandulula zyintu zyibotya lugwasyo (mbuli kkilini antela cikolo). Basicisi nobamana kubamba zyizyibyo eezyi, balaamba mbobabulingula bweende bwalugwasyo lupegwa.

ZYIGA ZYOTATWE ZYA CVA



ZYIMBA ZYOTATWE ZYA CVA

- (1) **Kubandisyanya asicisi**
- (2) **Kuyobolola basimukobo kubandisyanya**
- (3) **Kusumpula lugwasyo akukwelelezya ntaamu yamulawo**

Ciga 1:

KUBANDISYANYA ASICISI

Muzeezo waciga eeci ngwakucita kuti basimukobo balibambile kubandisyanya abasikupa lugwasyo amfwulumende munzila yabunkutwe abulangizi. Twaambo tosanwe tujatikizya “Kubandisyanya asicisi” twatondezyegwa munselelo alimwi tulakonzya kubandikwa cakataccilizya mulongo ubambidwe.



1.1 Kubaa luziyibo lwantaamu yamulawo yabanamaleya

BULELI ATWAAMBO TWACISI

1. Kujana malembe aamfwulumende, kubulemba mubufwaafwi bubambe bwamfwulumende atwaambo twacisi (mapolitikisi) kuzwa kumfwulumende mpati yacisi coonse kusika kumfwulumende yakucilawo.
2. Kufwunyungula myaka, bubambe amboluslangene lugwasyo lupegwa mucilawo. Ino mbaani antela nimbunga nzi zyilaa mulimo wakupa lugwasyo lupati-pati? Sena mali alasika kumbunga zyilaa mulimo wakupa lugwasyo mucilawo kuzwa kumfwulumende mpati?
3. Kulingula buyumu abutete, zyoolwe zyilangilwa azyintu zysisinkilila mubuleli, kulangisya kapati zyintu zyelela zyili mbuli cibeela canseba acibeela calwiyo.

NTAAMU ZYAMILAWO YABANAMALEYA, MBOZYIBAMBWA, MBOZYIBELESYEGWA, ABWAAPAUZI BWAMALI

- Kobaa luziyibo alimwi kolemba mubufwaafwi nzila zyibelesyegwa abweende bwamilimo yamfwulumende kujatikizya ntaamu zyamilawo yabanamaleya mbozyibambwa abwaapauzi bwamali aakubelesya muziyibeela zyanseba alwiiyo antela zyibeela zyimbi biyo mfwulumende moibambide zyelesyo zyilembedwe mumalembe. Ino nguni uubamba ntaamu zyamilawo alimwi nguni ukwelelezya ntaamu eezyi?

ZYIZYIBYO AZYEELESYO ZYAMALEMBE

- Mikobo yeelede kotalisya kubelesya CVA kulanganya cibeela comwe, mbuli cibeela canseba, calwiiyo, cabulimi, cameenda abulondo, calo cisalidwe ambunga ya World Vision antela basimukobo lwabo beni. Ciindi ntaamu zyamilawo yabanamaleya nozyazumizyigwa abeendelezi kwaamba kuti ntotwaambo twazuminwa amfwulumende, kozyilemba zyelesyo.

KUTOLA LUBAZU KWASICISI

- Sena kuli miswaangano naa tubunga tuzumizyidwe mumulawo sicilawo mwakonzya kubandisyanya amfwulumende antela aumwi nkwiile kulyaambilila? Ino mbujatane nzi buliko akati kamfwulumende ambunga zyitalikumbatizyi kumfwulumende? Sena mbunga zyitalikumbatizyi kumfwulumende kuli nozyakazwidilide mukwaambilila bantu? Sena kuli kusinkililwa kuliko kumbunga zyaambilila bantu kuti kazyitola lubazu?



Bana balaazyi mapenzi ajanika acikolo cabo alimwi bayandika ubaambilila

1.2 KOLIBAMBILA ZYINTU AZYIBELESYO ZYIJANWA MUCILAWO

Ciindi babelesi nobafwiinsya malembe aaliko, kotuubya-ubya twaambo kutegwa katujanwa munzila itakatazyi pe, katulibonya alimwi katunyomenezya mumulaka ukananwa mumukobo. Utazyilubi zyeeyesyo zyamfwulumende – eezyi nzyintu zyipati.

1.3 KUYIISYA SICISI AKUYOYOBOLOLA BANTU

Kubelesya zyibelesyo nzyoolibambila, kobelekela antoomwe abantu mbomujatene limwi mucilawo kuyobolola akusensemwida basololi mumukobo atubunga kujatikizya CVA, ntaamu zyamilawo yamfwulumende, basicisi –nguzu amilimo yasicisi –alimwi azyeelesyo zyamfwulumende.

1.3 YAKA MAJATANE AKUBELEKELA ANTOOMWE

Kufwumbwa mpocakonzyeka, CVA yeelede kusololelwa abantu babelekela antoomwe mucilawo antela basimukobo lwabo beni. Mbunga ya World Vision ilakonzya kugwasyilizya tubunga otu kwiinda mukupa zyibelesyo zyakubelesya. Ncintu cipati kufwambaana kuswaangana abambi basilubazu mumukobo kutegwa kakuli kweendelezyanya kabotu mumulimo wa CVA.

1.4 BAMBA ZYILONGWE AMASWAANGANE

Kucita kuti mulimo wa CVA uzwidilile, tweeleda kubaa kweendelezyanya kwakutazwangana akati kabantu bapegwa lugwasyo abaabo basikupa lugwasyo. Kubandisyanya caantagalala akusyomana ncintu cipati kapati, nkaambo bamwi bantu, mbuli banesi, bayi, abalupati-pati mumfwulumende - balakonzya kulimvwa mbuli kuti balatongookwa. Kubamba zyilongwe amaswaangane ncintu cipati kapati mukubona masimpe kuti bantu balatola lubazu alimwi kuli busolozu bulipede mutwaambo twacisi.



Nesi Atim Dinah Rose ku Kiyeyi Kkiliniki

Ciga 2:

KUYOBOLOLA BASIMUKOBO KUBANDISYANYA

Kuyobolola basimukobo ngomusemo wa *Citizen Voice and Action*. Kuyobolola basimukobo nkubaa miswaangano yatubunga tupati atusyoonto tulingula bubotu naa bubi bwalugwasyo lupegwa kubanamaleya akuzyiba nzila zyakusumpula mbolupegwa lugwasyo. Muciga eeci, basimukobo balabwezelela twaambo tujatikizya bweende bwamilimo wakupa lugwaso akupa bulombozi bujatikizya kusumpula bweende bwamilimo eeyi. Ncintu cipati kuli baabo bapedwe mulimo kuti kabatola lubazu, kapati basikupa lugwasyo lwabo beni.

MISWAANGANO YAKUYOBOLOLA BASIMUKOBO KAITANATALIKA, BABELESI BEELEDE:

- (1) **Kobamba kabunga kabeleka ka CVA.**
Bamembala bakabunga kabeleka beelede kubamba akweendelezya miswaangano. Aaka kabunga kalakonzya kubambwa abasikubelekelaamwi mucilawo.
- (2) **Kamusala kwakuswaanganina.**
Kanzi-kanzi, miswaangano icitilwa kumasena kulingulwa bweende bwamilimo.
- (3) **Kamuzuminana beelede kutambwa akati kabasikupegwa lugwasyo abasikupa lugwasyo.** Kabunga kabeleka kelede kusala tubunga tweeledede kutola lubazu mumiswaangaano yaandeene.
- (4) **Kamusala buzuba aciindi.**
- (5) **Kamubatamba basikutola lubazu.**
- (6) **Kamubamba tiimu yabeendelezi akubayiisya.**
- (7) **Kamujana zyibelesyo.** CVA iyandika mafulipu ccaati manji.



(1) MUSWAANGANO WAKUTAANGUNA (INTALISYO) WAKUYOBOLOLA BASIMUKOBO:

Ooyu muswaangano ubambilwa kutalika milimo yakulingula yalo icitwa akabunga ka CVA akuzubulwida basicisi abaiminzi bamfwulumende kujatikizya zyintu zyeede kucitwa azyilangilwa mukuyobolola basimukobo.

(2) CIINDI CAZYEESYO MUKULINGULA

Ciindi cazyeelesyo mukulingula cigwasya basimukobo amfwulumende kuti kabeelanya zyeesyo zyamfwulumende kweendelanya abube bwabusena bupedwa lugwasyo. Muciga cakubandisyanya asicisi, babelesi bambunga ya World Vision abasilubazu banakutalikide mulimo oyu kwiinda mukunomooni zyeesyo zypati kuzwa muntaamu yamilawo yamfwulumende, kuzwa mumalembe akuzwa kuli basikupa lugwasyo. Kabunga kabeleka ka CVA kalaswaangana abaiminzi bamfwulumende abasikupa lugwasyo. Muzeezo mubotu wakubayeezya basikutola lubazu kujatikizya zyintu zyeede kucitwa kutegwa bajane luziyibo lwabubotu bwakubaa ciindi cakubandisyanya zyeesyo mukulingula. Mpoona kabunga kalaswaya busena bwini bupa lugwasyo (mbuli kkilini antela cikolo). Eeci ciindi cakuwaya cibelesyegwa kweelanya zyeesyo zyamfwulumende kweendelanya abusena bupa lugwasyo mbububoneka mubwini.

Kobamba fulipu ccaati mbuli cifwanikiso cili apeeji liccilila pele utalembi nociba cintu comwe mukkolamu. Kopandulula kubabelesi kwaamba kuti zyeesyo wazyinomooni kuzwa muntaamu zyamilawo yabanamaleya alimwi weede kubaa kkopi yamalembe amfwulumende kutegwa kabasyoma kuti kwakusyigwa twaambo nkwasimpe. Mpoona kobabuzya kweelana antela kwiindana kuliko akati kaceesyo cacisi abube bwakkilini antela cikolo. Kobulemba bwiinguzi bwabo mukkolamu ilembedwe 'Bwini' mpoona kobabuzya ncobayeyela kuti eeci cili boobu.

MIKOZYANYO YAZYEEESYO

Kuti naa kabunga kako ka CVA kalingula bweende bwalwiiyo, ulakonzya kulingula zyeesyo zyamfwulumende ziyatikizya mweelwe wabasicikolo uyiisigwa amwiiyi omwe, kujanika-janika kwamadesiki, ziyibeenci, azyibesyo zimbi biyo, nokuba kujanika-janika kwazyimbuzi.

Kuti naa kabunga kako ka CVA kalingula bweende bwalugwasyo lwabasilisi, ulakonzya kulingula zyeesyo zyamfwulumende ziyatikizya mweelwe wababelesi mumakkilini aamucilawo, kujanika-janika kwamisamu yakusilisa, ciindi nojalulwa kkilini, antela kujanika-janika kwamincini naa zyibesyo zimbi biyo zyeede kubelesyegwa akkilini.



Mukozyanyo: Zye elesyo mukulingula			
Busena:.....		Lugwasyo/Busena:.....	
Musyobo wacintu ciyandika	Ceelesyo	Ciliko mubwini	Cakwaambwa
Bayi	1 mwiiyi kuli basicikolo 45		
Fanica: -Madesiki -Zyuuno	Madesiki 24 Zyuuno 24		
Zyibelesyo zyakwiiya [mabbuku aabasicikolo ayandika kapati] -Cikuwa -Mathamatikisi -Sayaansi	1 aumwi sicikolo 1 aumwi sicikolo 1 aumwi sicikolo		
Zyimbuzi	Comwe cabasimbi Comwe cabasankwa		

(3) ZYIINDI ZYAKKAADI YAMAACA MUMUKOBO

Muzeezo wakubaa ciindi cakkaadi yamaaka mumukobo ngwakuzyiba mbobayeeya basikupegwa lugwasyo abasikupa lugwasyo kujatikizya bweende bwamulimo wakupa lugwasyo oyo ulingulwa. Eezi tazyili zyeesyo zyamfwulumende pe. Pele, eeyi mizeezo akuyeeya kwabasimukobo lwabo beni.

KOBAMBA TUBUNGA TULANGANYA TWAAMBO

Basimukobo kobabikka mutubunga tulanganya twaambo tusyoonto-syoonto, twamisela, kubaandanya basimbi basankwa, kutegwa ubone masimpe kuti boonse balatola lubazu cabunkutwe. Alimwi weelede kubamba tubunga tulanganya twaambo twabantu basulaikdwe antela baumba mbuli bakaintu bamitide, bantu balemene, bantu balaa kazunda kasikalileke, abambi biyo. Komaninzya kupa maaka kukabunga komwe-komwe kubelesya kkaadi yamaaka.

PANDULULA ZYIPIMYO ZYABUBELESI

Kobuzya basikutola lubazu mutubunga tulanganya twaambo kuti baambe mbobayeeya kujatikizya bube bwalugwasyo bweelela. Ino lugwasuo lubotu (kkililiki naa cikolo, antela lugwasyo lumbi biyo) inga mwapandulula kuti luboneka buti? Kusungwaazyu bantu kwiingula kulakonzya kuyandika. Mbuli mukozyanyo, "Sena uyeeyela babelesi kukupa bulemu?" Kozyilemba zyipimyo eezi zyabubelesi, antela "zyitondezyo" apepa yafulipu ccaati kululyo:

KOBELESYA "CIPIMYO CAABUSYU"

Citobela, kobelesya nzila nguba-uba yakusala naa kuvwoota kwa "Cipimyo Caabusyu". Kucitondezyo comwe-comwe, aumwi memba wakabunga kalanganya twaambo weelede kusala, kutondezya mbwalimvwa; "ndubotu kapati", "ndubotu", "mbubo-mbubo", "ndubi", antela "ndubi kapati".

**Bube
bwalugwasyo
lubotu**

CIPIMYO CAABUSYU

NDUBI KAPATI



NDUBI



MBUBO-MBUBO




NDUBOTU



Kweendelanya ambwaalisalila mweendelezi, soleka kucita cimbi cintu citali lugwasyo, mbuli bweende bwamuwo – sena muwo mubotu antela mubi buzuba oobo? Antela masipooti nokuba tiimu lyacisi mboizwidilila mumusobano wabbolya lyamaulu (langa zyifwanikiso zyili munselelo). Ooku nkulingula kuti naa basimukobo balaa luziyibo lwambokuvwootwa. Kobalomba kupa mizeezo yacizyibyo antela cizekulo citakatazyi ciiminina cipimyo ncobakonzya kuzyiba basimukobo batayiide. Munselelo, kuli mukozyanyo wakulingula bukutausi bwatiimu yacisi yabbola lyamaulu iimininwa acizekulo cabbola. Babelesi banseba akkiliniki balakonzya kwiimininwa abusyu bwamukaintu umweta-mweta usamide kakkepesi kanesi.

KUSOLEKA KUPIMA BUKUTAUSI	CIZYIBYO	MBUBI KAPATI	MBUBI	MBUBO-MBUBO	MBUBOTU	MBUBOTU KAPATI
						
BUKUTAUSI BWALINO-LINO BWATIIMU YACISI YABBOLA LYAMAU LU						



KUVWOOTA

Citobela, kolonzya zyilembedwe mukkolamu yafulipu ccaati "Bube bwalugwasyo lubotu" akulemba akkaadi yamaaka yakabunga akutamba kuvwoota.

Kkaadi yamaaka njamafulipu ccaati otatwe aalamatidwe antoomwe mumulaini uulede (hholizonto) kwiingana bwaanda mbuli butondezyedwe waawa kululyo.

Masena	Kabunga.....	
KKAADI YAMAACA		
	Zyizyibyo	Mamaaka
Zyipimyo zyabukutausi kuzwa kukabunga		
Zyipimyo zyabukutausi zyapegwa		

Boonse bamaninzya kuvwoota, kobbikita mavwooti akubaambila basimukobo kuti balembe cisela camaaka oonse – kwiimininwa acipimyo cabusyu, kutali namba – mukkolamu ilembedwe "Mamaaka". Kusala cisela camamaaka kulakonzya kuyandika kubandisyanya, kapati kuti naa kakunyina kuzuminana akati kabasikabunga. Citobela, kobalomba basimukobo kutwaamba twaambo twabapa kuvwoota munzila njobavwoota. Ootu twaambo kotulemba mukkolamu ilembedwe "Zyakwaamba". Kucipimyo coonse cabukutausi, kobakulwaizya basimukobo kwaamba lukulwaizyo lwabo. Kulombozya ooku kulakonzya kubikkilizya milimo yeelede kucitwa abasimukobo, mfwulumende, abambi biyo basilubazu.

Ciindi cazyeelesyo mukulingula ceelede kweendelezyegwa abantu bataleli kubantu botatwe, mupati wabeendelezi, mulembi watwaambo afulipu ccaati, amulembi watwaambo twakuyobola mumalembe. Kamuyeeya, kkaadi yamaaka yeelede kwiindulukwa mukabunga komwe-komwe mutubunga twaandeene tulanganya twaambo. Munzila eeyi, tubona masimpe kuti twabweza twaambo kuzwa kutubunga twabantu basulaikidwe.

Muli cakujatikizya, mulajana mukozyanyo wa Ccaati ya Zyakweelanya walo utondezya mbokonzya kutondezya bumboni bwatwaambo twazwa kutubunga tulanganya twaambo akutondezya kabunga kapati. Pele kucita kuti kakuli kutola lubazu cabwini, ulakonzya kwaambila umwi wakabunga kuti amwaye bumboni bwajanwa kuli boonse. Kosoleka kutaibesya yoonse Kkaadi yamaaka mukutondezya ooku nkaambo masunko kubantu ngakuyanda kuumaninzya mulimo wakutondezya mbokupegwa maaka. Ciindi tacizumizyi pe! Akamwi kabunga kokakulwaizya kuvwoota kujatikizya kulombozya kusolozyedwe (1-2) ooko kuyandika kubambululwa alimwi kobona kwaamba kuti kabunga aka kaabana twaambo otu akabunga kapati.

Busena.....		Kabunga.....		
CIPEPA CAKUWROOTA				
NDUBI KIRATI	NDUBI	MBUBO MBUBO	NDUBOTU	NDUBOTU KIRATI
				

Busena.....		Kabunga.....	
ZYAKWAAMBA	ZYILOMBOZYEG WA		



Kuvwoota kujatikizya lugwasyo ciindi basimukobo nobayobololwa

(4) **MUSWAANGANO WABANTU BANJI**

Mbozyamanina biyo zyiindi zyakulanganya "Zyeelesyo Mukulingula" alimwi abasimukobo kubikka mamaaka akkaadi, tulakonzya kubaa "Muswaangano Wabantu Banji". Muzeezo wamuswaangano wabantu banji ngwakukulwaizya basicisi kuti kababandisyanya twaambo antoomwe abasikupa lugwasyo, mfwulumende abambi biyo basilubazu kujatikizya bube bwalugwasyo lwali kulingulwa. Antoomwe, basikutola lubazu balasala mbolweelede kusumpulwa lugwasyo. Kweendelana atwaambo otu, bukanze bwazyakucita bulabambwa bwalo bubikkilizya milimo yeelede kubelekwa aciindi ceelede kutolwa kwiibeleka milimo eeyi. Muswaangano wabantu banji nciindi cipati kapati mukuyoolola basimukobo nkaambo nceciindi zyintu zyakucita nozyisalwa. Ooyu muswaangano ulakonzya kutola mawoola akubwene – bunji bwamikobo ilalibambila kupa basimuswaangano cakulya casyikati (cिसुसुलो). Mumuswaangano, baiminzi bamukobo balaambilizya bumboni bwajanwa ciindi cakulanganya zyeeleso mukulingula akubikka mamaaka kucitwa abasimukobo. Basikutola lubazu balazubulula bulombozi bwazwa kuli zycitwa kusikila aciindi eeci.

Ctitobela, kobalomba basimukobo kuti mizeezo imwi baibikke mumundando akusolozya yeelede kusolozyegwa mubukanze bwazyakucita. Mizeezo yeelede Kugaminina, kukonzya Kupimwa, kukonzya Kuzwidilizyigwa, yabwini alimwi ikonzyeka kuzuzikizyigwa muciiindi cipedwe. Koilemba mizeezo eeyi afulipu ccaati ili mbuli yatondezyegwa munselelo alimwi kobona masimpe kuti aabo batola lubazu balilipede ncobeni kuzwidilizya naa kwiibeleka milimo iili mubukanze bwazyakucita. Muli zyimwi zyiindi, mizeezoeeyi iyakuyandika kubamba kabunga kabeleka kutegwa ikazwidilizyigwe bweelede.

BUKANZE BWAZYAKUCITA				
CAKUCITA	INO NGUNI UTICITE CEECI	CIINDI CIPEDWE	ZYIBELESYO/ZYIMBI ZYAKUCITA	NGUNI UYAKULINGULA

Akaka kamubona kwiindana kuliko akati kacintu cakucita akaambo. Mbuli mukozyanyo, kulemba 'Penzi lyameenda mucilawo' mubukanze bwazyakucita nkwaamba buyumu-yumu naa penzi likiko antela kaambo, **takuli kumana penzi pe**. Kuti naa kujanika-janika kwameenda mucilawo kweelede kusumpulwa, mweendelezi ulakonzya kusoleka kwaambila basimukobo kuti batole ntaamu yakucita cimwi cintu mbuli "kulemba lugwalo kucilikiti kujatikizya meenda akatazya kujana mucilawo." Kulemba lugwalo ncintu cicitwa cijatikizya kaambo kapenzi 'lyameenda'. Kamubona kwaamba kuti lugwalo ncintu cimwi basimukobo ncobakonzya kucita citayandiki zyibesyo. Koikulwaizya mikobo kuti kaibaa zyintu zisyoonto-syoonto zyakucita zyantalisyo zikonzyeka zyalo zikonzya kuzwidilizyigwa – utabakulwaizyi kutalika zyintu zytakonzyeki antela zyamakanze mapati. Uyandika zyintu zyakucita zyitalika busyoonto-syoonto akuyaa bukomena zyalo zikonzya kuzwidilizyigwa akulitondezya kuti zyilakonzya kubambululwa.

KUJALA MUSWAANGANO AKUSEKELELA

Kunze kwabukanze bwazyakucita, muswaangano wbnatu banjincintu cipatinkaambo upa ciindikuli basimukobo kwaabana bumboni bwamulimo wabelekwa antoomwe. Mweendelezi weelede kwaambisya kuti Bukanze Bwzyakucita mbubwabasicisiamfwulumende antoomwe alimwi akuti mulimo wabo boonse kubona masimpe kuti zyoonse zyalombozyegwa kubambululwa zycitwa. Kobamba buzuba bwamuswaangano utobela wakulingulalusumpuko lwacitwa.

Kumamanino,ciindi ceelede kupegwa kuli basikutola lubazu kulanga-linga bweende bwakuyobolola basimukobo, butete abuyumu.Kolomba kabunga kuti kape kufwumbwa mizeezo ijatikizya zyintu basikabunga nzyobayanda anzyobatayanda mukuyobolola basimukobo. Muswaangano ulakonzya kujalwa kwiinda mukucita pobwe lyazyakulya, kwiimba nyimbo akuzyana zyizyano.

.....



CVA caamba kubaswaanganya antoomwe babelesi, basimukobo amfwulumende.

Ciga Catatu:

KUSUMPULA LUGWASYO AKUKWELELEZYA NTAAMU YAMULAWO

Twalumbaizya! Ono mwabaa Bukanze Bwazyakucita. Mizeezo iili mubukanze oobu iyakusololela mukobo,mfwulumende abasikupa lugwasyo kuti basumpule lugwasyo lupegwa lwalo luyakusumpula maumi aabana. Pele kucita kuti kube kuzwidilila, mukobo weelede kubikkila maanu mukulingula bukutausi bwamilimo iili mubukanze.Muciga eeci catatu,, mikobo, mfwulumende abasikupa lugwasyo mbobabubeleka bukanze. Pele kutegwa bazwidilile, beeledde kucita milimo eeyi yone mipati-pat



1. "KUBUBELEKA BUKANZE"

Kanji-kanji babelesi ba CVA bajana kuti mizeezo izwa mubukanze bwazyakucita iyandika kuyeeyela alimwi muswaangano wabantu banji nowamana. Kubeleka milimo iili mubukanze bwazyakucita Kusololelwa abasicisi lwabo beni, basikupegwa Lugwasyo abambi biyo basilubazu beelela – aabo Bakalyaaba antela bakalipeda ciindi Cakuyobolola basimukubo kubandisyanya. Pele nokuba kuti mizeezo njacigaminina, ilakonzya kupimwa akuzwidilizyigwa alimwi njabwini ikonzya kuzuzikizyigwa mucindi cipedwe, muntu amuntu ulaa mulimo wakubona kuti mizeezo eeyi yazwidilizyigwa bweelede. Cilakonzya kugwasya kwiicimbawla mizeezo kwiibikka mutulimo-limo akuyandaula lugwasyo kuzwa kukabunga kabeleka kumaninzya ...



2. KULINGULA ALUGWASYO

Muzyiindi zynji, mumuswaangano muntu amuntu ulalipeda kucita cintu cimwi, pele uyakuyandika kulingulwa kapati akugwasyigwa kutegwa kubonwe masimpe kuti bazuzikizya zyintu zyipy nzyobalipeda. Akaambo kaaka, "Bukanze Bwazyakuta" bujisi kkolamu ilembedwe kuti, "Nguni uyakulingula". Bantu balembwa mukkolamu eeyi beelede kuubeza calusinizyo mulimo wabo. Bantu balembwa mukkolamu njiyona eeyi mubunji beelede kuba basimukobo.

Kulombozya komwe nkwakubwaanzika antangalala bukanze bwazyakucita nkukwena kubusena kupedwa lugwasyo nokuba abusena bumbi biyo bwabanamaleya mbuli muhoolo mudolopo. Eeci ciyakucita kuti kakunyina zyakusisa-sisa abwaambilizi bwaantangalala kuli baabo bapegwa milimo yakubeleka. Alimwi eeci ciyakukulwaizya basimukobo kutola lubazu mukusoleka kusumpula lugwasyo lupegwa kubantu.

Kwiibikka mumalembe milimo ibelekwa ncintu cipati kugwasylizya kulingula bweende bwamilimo. Aabo bapegwa milimo yakubeleka beeled kukulwaizyigwa kuti kabatobola malembe aazyintu ziyacitwa, lusumpuko lwabambwa akupa bwaambilizi kuli basimukobo kujatikizya lusumpuko lwabambwa.

3. KUYAKA MAJATANE AKUBELEKELA ANTOOMWE

Kanji-kanji, Bukanze Bwazyakucita bubikkilizya mizeezo imwi iyandika kulangwa-langwa antela kuzumizyigwa amubelesi walupati-pati mumfwulumende. Kutegwa mubelesi ooyu ajanwe, mikobo iyakuyandika kuyaka majatane akubelekela antoomwe kucita kuti balupati-pati mumfwulumende bakakwelelezyegwe. Kobelekela antoomwe abasicilawo nokuba kulomba malailile kuzwa kutiimu yaku opesi mpati yacisi yaambilila bantu kuti upegwe malailile ambokonzya kuzwidiliza kubelekela antoomwe mukwaambilila bantu.

(4) KWAAMBILILA BANTU AKUKWELELEZYA

Kuti naa Bukanze Bwazyakucita bubikkiliza mizeezo mipati kapati, mikobo yeelede kusindinganya kuyeeyela bwakuzizwidiliza mbaakani zyabo. Ngaaya malailile aatakatazyi ajatikizya kwaambilila bantu;

- (1) Kamunomooni muntu ukonzya kuleta kucinca kuyandika mumukobo wanu. Kamusola kugaminina mbuli mbomucikonzya. Mutaambi kuti "Mutabi ulanganya Lwiiyo". Ino nguni (kumubanda zyina acuuno cakwe) ujisi nguzu mumutabi amfwulumende ooyu?
- (2) Ino mbaani balangilwa kuti inga mwabelekela antoomwe? Ino mbuti mbomukonzya kubelekela antoomwe nokuba kuyaka majatane akonzya kukwelelezya bamwi kuleta kucinca kuyandika mumukobo?
- (3) Ino ncenzi cilangilwa naa cikonzya kubasungwaazya aabo bali muzyuuno zyalupati-pati ziyisi nguzu? Sena bantu aaba inga baaswiilila matongoosi azwa kubantu bakanana twaambo twacisi? Sena inga bazyiswiilila zyaamba basimubweza akumwaya twaambo? Sena inga baswiilila matongoosi aazwa kukabunga kamwi kayandisya cimwi cintu kuti cicitwe?
- (4) Sena kuli mbunga ziyiliko kale zyalo zyitalikumbatizyi kumfwulumende zyalo ziyikonzya kubelesyegwa kuzwidiliza mizeezo yako?

Koyeeyela kubelekela antoomwe abasicilawo antela baku *National Office Advocacy* nokuba babelesi baku *Child Health Now* kubamba ntaamu ziyizwidilila zyakwaambila bantu.

Twaambo twalembwa amafulipu ccaati ciindi cakuyobolola basimukobo kubandisyanya mbaasimukobo beni bantuto. Beelede kwaayobola mafulipu ccaati. Aaya maccaati alakonzya kuyobolwa abayi bapati, kakamu kabeendelezi bacikolo, muzali usyomwa antela kakamu kabasicikolo. Mbuli mukozyanyo, mumapulogilamu amwi aa CVA mafulipu ccaati alamatidwe mu opesi lyabayi bapati lyamanizyigwa kuyobolola basimukobo kubandisyanya.

KUTI NAA KAMUYANDA TWAAMBO TUMBI,

LYOONSE KAMULANGA KUMALAILILE
ALEMBEDWE

MU "CITIZEN VOICE AND ACTION" ALO
AKABELESYEGWA

KULEMBA KABBUKU AAKA.

Kuzwidilila kwakwaambilila bantu mucisi ca Uganda

Ku Uganda, ba CVA bakanomooni kulovwa-lovwa kwabasicikolo kuti ndepenzi mpati. Kumatalikilo, basimukobo bakazyiba kwaamba kuti cintu cibapa kulovwa kucikolo bana ninzala. Aboobo, bakatalika kubapa cisuusulo ciindi casyikati. Pele, eeci taakwe nocakazwidilila ciindi mbocakali kuyaa buya. Kuzwa kukuvwuntauzya kwakacitwa aba CVA, kwakajanwa kwaamba kuti mulawo utegwa Uganda Free Education Act wakali kukasya zyikolo kokobolola kufwumbwa mali akubbadela cikolo kubikkiliza amali aakuula zyakulya zyabasicikolo. Kuzwa ampa yabasimukobo kwiinda mumbunga ya World Vision kubelekela antoomwe ambunga italikumbatizyi kumfwulumende (WV/NGO mubufwaafwi), mfwulumende yacisi yakazumina kuubambulula mulawo kutegwa zyikolo ziyizumizyigwe kukobolola mali aakuula zyalya zyabasicikolo.

MALAILILE AAMBI:

KAMUBAMBA MALEMBE MABOTU!

Ba *Citizen Voice and Action* balabamba twaambo tupati tujatikizya bube bwalugwasyo lupegwa kubanamaleya. Twaambo otu tweeleda kuyobolwa kabotu mbuli mbocikonzyeka kutegwa katukonzya kubelesyegwa kukwelelezya mfwulumende.

Koba masimpe kutulemba twaambo twazwa ku:

- Ciindi cakulanganya Zyelesyo Mukulingula
- Ciindi cakulanganya Kkaadi yamaaka
- Ciindi camuswaangano wabantu banji (Bukanze Bwazyakucita)
-

Bona mapepa ajatikizyidwe 2-6 kumamanino aakabbuku aaka atondezya bwakulemba twaambo.

KOYEEYELA MUKOBO MBOUKONZYA KUSWAANYA KWAAMBILILA BANTU KUCITWA MUCILAWO AKWAMUCISI COONSE MBOCIZULWA

Kuswaanya milimo icitwa mucilawo kuli yeeyo icitwa mucisi coonse kanji-kanji ncintu ciyandika kutegwa kubonwe masimpe kuti bukanze bwazyakucita bwazwidilizyigwa. Mbuli mukozyanyo, mubunji bwazyiindi basimukobo balakakilwa kubonana aminisita walwiiyo cakuti kuyandika kubaa muzeezo wakwaambilila bantu ubikkiliza Batali biyo mucilikiti comwe. Kumatalikilo, eeci cilakonzya kucitwa ababelesi bambunga ya Worls Vision ambobabeleka limwi kwiiminina mukobo, kutegwa basimukobo kabayaa kucikonzya kulicitila milimo eeyi kumyaka izya kumbele. Pele mbunga ya World Vision lyoonse yeelede kusolala kukulwaizya mwiiminizi omwe antela bobilo kuunka ababelesi bambunga ya World Vision kumiswaangano yabalupati-pati.

KOYEEYELA BWAKUBABELESYA BASIMUBWEZA AKUMWAYA TWAAMBO

Basimubweza akumwaya twaambo kanji-kanji bayandaula twaambo twakumwaya. Kobeendelezya basimukobo kwaambaula abasimubweza akumwaya twaambo kujatikizya milimo icitwa aba CVA pele kobona masimpe kwaamba kuti ulijisi ncolangila, nkokuti kaambo kakumwaya kubikkiliza azyifwanikiso antela vidiyo. Utalibambili biyo kwaambaula kujatikizya zyicitwa aba CVA. Basimubweza akumwaya twaambo bayanda zyilangilwa zyibonwa ameso nkaambo kuti teecaba boobu, nkokuti kunyina caano cakumwaya. Babelesi bambunga ya World Vision balo bali mucibeela cakumwaya twaambo kubanamaleya balakonzya kugwasyiliza mikobo kuzwidiliza milimo kwiinda mukubelekela antoomwe abasimubweza akumwaya twaambo bamucilawo.

AMUBE ACOOLWE !

Kamulimvwa kwaanguluka kukwabana aba cva@wvi.org kuti mujane malailile aambi antela malembe aatwaambo!

CIJATIKIZYIDWE 1: ZYIINDI ZYAKUYOBOLOLA BASIMUKOBO KUBANDISYANYA

CAKUCITA	INO NGUNI UYANDIKA?	MUZEESO/ ZYILANGILWA	ZYIBELESYO ZYYANDIKA	CIINDI CIYANDIKA
MUSWAANGANO WAKUTAANGUNA	-Basimukobo -Basololi mumukobo -Baiminzi bamfwulumende -Basikupa lugwasyo -Bakabunga kabeleka ka CVA	Kupa twaambo twantaliso kujatikizya CVA akuyobolola basimukobo kubandisyanya	Dayagilamu itondezwa bube bwa CVA (Enga afulipu ccaati) Dayagilamu itondezwa bube bwakuyobolola basimukobo kabandisyana (Enga afulipu ccaati)	Woola lyomwe
ZYEELESYO MUKULINGULA	-Basololi mumukobo -Baiminzi bamfwulumende -Basikupa lugwasyo -Bakabunga kabeleka	Koyelanya zyelesyo abube bwini bwalugwaso lulingulwa	Dayagilamu itondezwa bube bwa CVA (Enga afulipu ccaati) Dayagilamu itondezwa bube bwakuyobolola basimukobo kabandisyana (Enga afulipu ccaati) Mafulipu ccaati aakweengela akulemba bumboni bwazyelesyo mukulingula	Mawoola 1-2
MAKKAADI AABASIMUKOBO AAMAACA	Basikupewa lugwasyo (Tubunga twaandene) Basikupa lugwasyo (Tubunga twaandene)	Kulingula bubotu bwabukutasi bwabasikupewa abasikupa lugwasyo Kopa kulombozwa bwakusumpula lugwasyo lupegwa	Dayagilamu itondezwa bube bwa CVA (Enga afulipu ccaati) Dayagilamu itondezwa bube bwakuyobolola basimukobo kabandisyana (Enga afulipu ccaati) Mafulipu ccaati aakweengela akulemba bumboni makkaadi aabasimukobo aamaaca	Mawoola 1-3 akabunga kalanganya twaambo. Koyeeya kweendelezwa ciindi cabasimukobo kubikka mamaaka akkaadi atubunga twaandene tupegwa lugwasyo.
MUSWAANGANO WABANTU BANJI	-Basikutola lubazu mukulanganya zyelesyo mukulingula alimwi abasololi babasimukobo babikka mamaaka akkaadi -Baiminzi bamfwulumende (beendelezi abasitwaambo twacisi)	Kwaabanya bumbonibwa "Zyelesyo Mukulingula" abwaciindi cabasimukobo kubikka mamaaka akkaadi Bamba Bukanze Bwazyakucita kusumpula lugwasyo lupegwa	Dayagilamu itondezwa bube bwa CVA (Enga afulipu ccaati) Dayagilamu itondezwa bube bwakuyobolola basimukobo kabandisyana (Enga afulipu ccaati) Mafulipu ccaati atondezwa bumboni bwazyiindi zyabasimukobo kubikka mamaaka akkaadi alimwi aciindi cazyelesyo mukulingula.	Kuzwa kumawoola masyoonto biyo kusikila kubuzuba boonse Bunji bwabantu mu CVA balabamba cibusulo cakupa bantu kuti balye syikati

CIJATIKIZYIDWE 2: PEPA LYAKULEMBA TWAAMBO TUJATIKIZYA KULINGULA

CVA-CIINDI CAKUBELESYA ZYEELESYO KULINGULA					
BUZUBA BWAMULIMO:			ZYINA LYACIKOLO/KKILINIKI:		
BUSENA BULINGULWA:					
CIBEELA:					
Musyobo wacintu ciyandika	Ceelesyo	Ciliko mubwini	Zyabambululwa nowamana mulimo wa CVA	Buzuba mbozyabambululwa	Zyakwaamba

CIJATIKIZYIDWE 3: PEPA LYAKULEMBA TWAAMBO TUJATIKIZYA BASIMUKOBO KUBIKKA MAMAAGA AKKAADI

CVA-CIINDI CABASIMUKOBO KUBIKKA MAMAAGA AKKAADI						
BUZUBA BWAKUYOBOLOLA BASIMUKOBO KUBANDISYANYA:						
BUSENA BULINGULWA:						
KABUNGA KABELESYA:				CIBEELA:		
Zyipimyo zyabukutausi zyabambwa abasimukobo	Maaka oonse	Bulombozi bwazyeede kusumpulwa	Zyabambululwa nowamana mulimo wa CVA	Maaka nowamana mulimo wa CVA	Buzuba bwabambululwa mamaaka	Zyakwaamba

ZYIPIMYO ZYABUKUTAUSI ZYAPEGWA

CIJATIKIZYIDWE 4: PEPA LYAKULEMBA TWAAMBO TUJATIKIZYA MUSWAANGANO WABANTU BANJI

CAKUCITA	INO NGUNI UYAKUCITA CEECE	CIINDI CIPEDWE	ZYIBELESYO/TULIMO- LIMO	INO NGUNI SIKULINGULA
CAKUCITA	INO NGUNI UYAKUCITA CEECE	CIINDI CIPEDWE	ZYIBELESYO/TULIMO- LIMO	INO NGUNI SIKULINGULA

MUKOZYANYO WACCAATI YAKUBELESYA KWEELANYA AKWIINDANYA X SENTA YANSEBA				
Zyitondezyo	Zyiziyo	Balwazi beenda kusilikwa	Balwazi bami tide	Basikupa lugwasyo
ZYIPIMYO ZYABUKUTASI KUZWA KUKA- BUNGA				
Kujanika-janika kwamisamu ya- kusilisya				
Kusangabala kwababelesi				
ZYIPIMYO ZYABUKUTASI ZYAPEGWA				
S.1 Bube bwababelesi		 - 		
S.2 Kukutula lugwasyo lupeg- wa		 - 		

ZYAKULEMBA

ZYAKULEMBA

ZYAKULEMBA

